

Sanhgyangh:

Gveicouh Guengjsae Caezsim Hoenx Binghraq

“Haiguh yawhfuengz gaemhanh doxdaeuj, song sengj gih cungj miz vunz daeuj sonyinx guhhong, vunzlai ndaw mbanj song sengj gih cungj gaenxmaenx guh hwnjdaeuj, itheij roengzrengz guh yawhfuengz gaemhanh binghraq!” Ndwen 2 ngoenz 6, youq Sanhgyangh Dungcuz Swciyen Fuluz Myauzcuz Yangh Fuluz Cunh Mbanjdwnghsai, Fuluz Cunh fucujyin Yangz Cinghnenz naeuz.

Dwnghsai Cunh youq dieg gapgyaiq Gveicouh Guengjsae, dwg aenmbanj cabyouq vunzlai Guengjsae Sanhgyangh caeuq Gveicouh Lizbingz song aen yienh, daengx cunh 263 ranz, ndawde 26 ranz dwg Guengjsae Fuluz Myauzcuz Yangh Fuluz Cunh Mbanjdwnghsai guenj, youq ciengz ciengq laengzhoenx yawhfuengz gaemhanh sinhgvanh feiyenz, Fuluz Cunh Mbanjdwnghsai caeuq Dwnghsai Cunh cungfaen fatok gij cozyung lienzhab dangcihbu, gapbaenz aen cuj lienzhab guhhong, gibseiz daenghgeiq vunzmbanj daj Huzbwz、Guengjdoeng daengj sengj gih dauqranz haenx, gaemdawz gihbwnj cingzgvang; aeu bae mbanj guh senhconz caeuq lienzhab genjcaz dox giethab, guh daengz moix ngoenz cunzcaz 3 baez, hawj vunzlai mbouj doxcomz.

(Gunj Yicungh/漆亿忠)

► Vunzguh hong bae mbanj senhconz.



▲ Canghfwen cingq loegguh fwen.

Yizcouh: Yung Fwen Bangrengz Cienz Gij Cihsiz Fuengz Raq

Ndwen 2 ngoenz 6, ndaej daengz Aen Hezvei Fwen Yizcouh veicangj、Guengjsae fwenvuengz Banh Hungzmeiz cujcz, Aen Hezvei Fwen Yizcouh geij boux canghfwen gag loegguh fwen yawhfuengz gaemhanh sinhgvanh feiyenz, doenggvaq eu fwen senhconz gij cihsiz fuengz raq hawj gyoengq vunzlai.

Ciuq cam rox, Aen Hezvei Fwen Yizcouh cujyau doenggvaq fwen aeu gij iugouz yawhfuengz gaemhanh binghraq gangj ndaej mingzbej, doiq seizneix gyoengqvunz segih、yanghcin cungj naemj okrog cunz ranz、doxcomz dwkbej、comz gwn laeuj daengj, yung gij vah doengsug rox ngaih haenx, aeu gij cihsiz yawhfuengz gaemhanh binghraq cienz hawj gyoengq vunz.

(Yangz Yibauj Vangz Lungzyenz/杨钰宝 黄龙元)

Minzgingj Caeuq Beixnuengx Yauzcuz Dazfwngz Fuengz Binghraq

Ndwen 2 ngoenz 5, Ningzmingz Bien’gyaiq Gvanjljij Dadui gonqlaeng bae daengz bien’gyaiq Aiden Cin Ganh’ai Cunh Canggi、Ginzmwz、Luzsi sam aen mbanj Yauzcuz, fat gij senhconz swhliu yawhfuengz gaemhanh sinhgvanh feiyenz caemhcai gangj banhfap guh fuengz binghraq hawj beixnuengx Yauzcuz. Minzgingj iuheuh gyoengq beixnuengx Yauzcuz aeu daj henzgyawj guh hwnj, daj saeh iq guh hwnj, daap goujcau, gaenx swiq fwngz, noix okrog, mbouj gwn doenghduz doengh, mbouj dingq vahgyaj、mbouj cienz vahgyaj、mbouj saenq vahgyaj. Aeu demgiengz gij eijsik fuengz raq, hag gij cihsiz fuengz raq, guh ndei hong fuengz raq, dazfwngz hoenx binghraq, caez henho aenbiengz bien’gyaiq onjdingh.



▲ Minzgingj gangj banhfap guh fuengz binghraq hawj beixnuengx Yauzcuz. (Cough Yizgangh Ningz Cinyij/周貽刚 宁俊宇)

Vanzgyangh Song Aen Giyez Simndei Gien Doxgaiq Bangrengz Gyauhgijg Itsienq



▲ Gien doxgaiq yienhciengz.

Gvanjljij Dadui daengxcungq minzgingj caeuq fujgingj cungj mbouj miz ngoenzgyaj, daengxcungq ok doengh, hwnzngoenz hoenxciengq, guhhong youq dieggamcaek gamcaek、cunz yawhfuengz gaemhanh、hen cizsi daengj, haenqrengz henho vunzlai sengmingh cienzcaiz ancienz.

(Veiz Yui Veiz Liyingj/韦睿 韦力颖)

Ndwen 2 ngoenz 8, Guengjsae Muzlunz Bwzdanh Swngdhai Yinj-yungsuij Mizhanh Gunghsw hawj Vanzgyangh Mauznanzcuz Swciyen Sinhaz Daehyinh Mizhanh Cwzyin Gunghsw song aen giyez simndei, gien 100 gienh raemxmbogqvang caeuq 50 sieng mienhfuengbient、gau hawj Vanzgyangh Mauznanzcuz Swciyen Gungh’anhgiz Gyauhdungh Gvanjljij Dadui, yung neix gyo’mbaiq caeuq haeujcoengh minzgingj、fujgingj hwnzngoenz youq itsienq yawhfuengz gaemhanh binghraq haenx.

Daj laengzhoenx sinhgvanh feiyenz doxdaeuj, Vanzgyangh Mauznanzcuz Swciyen Gungh’anhgiz Gyauhdungh